



PUO EA MOHLOMPHEHI TONA-KHOLO, DR.
MOTSOAHAE THOMAS THABANE HO SECHABA SA
BASOTHO

LABOHLANO – 11 'MESA, 2018

SECHABA SA HESO, KEA LE LUMELISA

MAOBA MONA KE TSOA KHUTLA LEETONG LA TŠEBETSO NAHENG EA SUDAN MOO KE NENG KE MENGOE KE MOTLATSI OA PRESIDENT EA NAHA EA SUDAN, LT. GENERAL BAKRI HASSAN SALIH.

SEPEHO SA LEETO LENA ENE E LE HO EA MATLAFATSA LE HO TIISA SETSOALLE SA RONA RE LE NAHA EA LESOTHO LE NAHA EA SUDAN. RE BUISANE KA LITABA TSA BOHLOKOA TSE KENYELETSANG TŠEBELISANO-‘MOHO LITABENG TSA LIPOLOTIKI, MORUO, MAHLALE LE TŠEBELISO EA ONA.

EMPA TABA E BOHLOKOA HAHOLO KE EA HORE RE LUMELLANE LE ‘MUSO OA SUDAN HORE NTLO-KHOLO EA **AFRICAN UNION COMMITTEE OF EXPERTS ON THE RIGHTS AND WELFARE OF THE AFRICAN CHILD** E TLO BA KOANO NAHENG EA LESOTHO. TABA ENA EA HORE NTLO-KHOLO EA **AFRICAN UNION COMMITTEE OF EXPERTS ON THE RIGHTS AND WELFARE OF THE CHILD** E BE KOANO LESOTHO, E TLA RE TLISETSA RE LE NAHA, MELEMO E MENGATA HAHOLO MORUONG LE HO PHAHAMISA SERITI SA NAHA EA RONA MACHABENG.

KE LE TONA-KHOLO, KE ELELETSOE LE HO UTLOA LITLETLEBO TSE NGATA TSA SECHABA TSE AMANG PHANO EA LITŠEBELETSO TSA ‘MUSO SECHABENG LE TSEBETSO EA ‘MUSO KA KAKARETSO.

TSE LING TSA LITLETLEBO TSENA LI AMA KA KOTLOLOHO LELAPA LA KA KE LE MOTHO. KE RATA HO TISETSA SECHABA SA BASOTHO HORE LITLETLEBO TSA LONA LI OETSE LITSEBENG TSE UTLOANG.

RE LE 'MUSO OA 4X4, KE BOIKEMISITSO LE BOITLAMO BA RONA HO SEBELETSA LONA SECHABA KA BOITELO LE KA BOTSEPEHI KA LINAKO TSOHLE, MOLEMONG OA BOIKETLO LE KHOTSOFALO EA LONA.

MOO EBANG 'MUSO O NTSE O Khibela teng kapa moo ebang likhahello li teng, 'NA LE BALEKANE BA KA PUSONG RE TLA SEBETSA KA THATA LE KAPELE HAHOLO HO BONA HORE RE KATA LIKOTI, RE BATALATSA MABALA LE HO TLOSA LITŠITISO TSELENG EA HO SEBELETSA SECHABA KA MAKHETHE LE KA TOKA.

'MUSO O TLA ETSA KA MATLA HO LE TSEBISA KA LITABA TSE LE AMANG KA KOTLOLOHO LE LE SECHABA KA MEKHOA EA LIPITSO TSA SECHABA LE HO SEBELISA LITSI TSA PHATLALATSO KA HO FAPAKANA HA TSONA.

SECHABA SA HESO, KE BOIKEMISITSO BA 'MUSO OA LONA HO KENYA TŠEBETSONG LIQETO TSOHLE TSA SADC. MONA TENG 'MUSO HA O CHECHE KA TSELA EFE KAPA EFE. NAHA ENA E BUSOA KA MOLAO, 'ME BATHO BOHLE BA BELAELLOANG KA LITLOLO TSA MOLAO BA LOKELA HO HLAHA KA PELE HO MAKHOTLA A MOLAO, HO SA NATSOE BOEMO BA BONA.

KE ETSA BOIPILETSO BO MATLA HO MATONA A 'MUSO OA MOTLOTLEHI HO EMISA HANG-HANG HO BUA LIPUO TSE KA FEREKANYANG SECHABA LE HO TSITSINYA METHEHO EA PUSO LI-EA-LE-MOEENG, LIKORANTENG LE MARANG-RANG (SOCIAL MEDIA)

MATONA LE MAPARAMENTE BA LOKELA HO FA SECHABA TS'EPO KA HO BUA LIPUO TSE AHANG LE TSE KHOTHATSANG. BA LOKELA HO BUA LIPUO TSE AHANG PUSO LE TSE LOKISANG LIPHOSO MOO LI BILENG TENG. KE IPILETSA HO LONA SECHABA SA HESO HORE RE LOANELE BONNGOE, KOPANO, KHOTSO LE KATLEHO EA RONA RE LE SECHABA, LE NAHA KA LINAKO TSOHLE. **MOO LITLETLEBO LI LENG TENG LI SEBETSOE KA KHOTSO LE KA TLHOMPHANO.**

I WISH TO CLOSE MY STATEMENT BY RE-ASSURING OUR DEVELOPMENT PARTNERS AND FRIENDS OF LESOTHO THAT, THE GOVERNMENT AND THE PEOPLE OF LESOTHO ARE COMMITTED TO PEACE AND STABILITY FOR THE COUNTRY.

THE GOVERNMENT OF LESOTHO IS FULLY COMMITTED TO THE COURSE OF THE REGIONAL AND INTERNATIONAL PARTICIPATION IN BOTH ECONOMIC DEVELOPMENT AND PEACE BUILDING. I WISH TO FURTHER RE-AFFIRM OUR COMMITMENT TO THE REGIONAL AND INTERNATIONAL PARTNERS, SUCH AS, THE EUROPEAN UNION, THE COMMONWEALTH, THE SADC, THE AFRICAN UNION, THE UNITED NATIONS FAMILY AND THE DIPLOMATIC MISSION

AND INTERNATIONAL ORGANIZATIONS THAT, THE GOVERNMENT OF LESOTHO IS FULLY COMMITTED TO THE FULL IMPLEMENTATION OF ALL SADC DECISIONS AND THE NATIONAL REFORMS AGENDA.

HIS MAJESTY'S GOVERNMENT REMAINS COMMITTED TO ACHIEVING EVERLASTING PEACE, RULE OF LAW AND STABILITY FOR LESOTHO.

MOLIMO O BOLOKE LESOTHO LE BASOTHO.

KHOTSO! PULA! NALA!